

Cealkámuš 2018 Girkočoahkkimis.

## Lehket láđđásat gussiiguin!

Jesus lei báhtareaddji. Son lea amas olmmoš gii fertte báhtarit, gii lea nelgon ja goikan. Otne. Min guovllus.

Dan botta go mii Norggas leat basuhan beassáziid ja návddašit gidđabeaivváža, de dáhpáhuvet surgadis dáhpáhusat Syrias.

12 000 máná leat jápmán soađis. 22 millijovvna máná leat báhtaran soađis ja riidduin miehtá máilmmi. Sii leat eret Syrias, Jemenis, Lulli-Sudanas, DR Kongos, Afghanistanas ja olu eará báikkiin. Otne leat máilmmis 65 millijovvna báhtareaddji. Ná ollu báhtareaddjit eai leat leamaš máilmmis nuppi máilmmisoađi rájes. Olbmot báhtarit soađis, doarrideamis, geafivuođas ja dálkkádatroasuin.

Europa stirdu apmasa balus. Áiddit áidojuvvot. Eanas olbmot eai beasa viidáseappot. Sii leat ballan ja váiban ja duvdojuvvojit báikkis báikái. Báhtareddjiid heahtedilli ii leat Norggas. Mii vuostávdiddiimet sullii 3000 kvotabáhtareaddji diibmá. Báhtareaddjit bohtet Hellasii, Italiai, Libanonii, Ugandai ja riidoguovlluid eará ránnjáriikkaide.

Olu searvegottit Eurohpás ja Norggas leat maŋemus jagiid čájehan láđisvuođa iežaset lagamuččaide ja lámčán oadjebas deaivvadanbáikkiid báhtareddjiide. Dát deaivvadeamit hástalat ja riggudit min osku ja min eallima. Oallugat leat nannegoahtán báhtareddjiid vuoigatvuođaid, nugo Girkuid heahteveahkki gii veahkeha heahtedilis Syrias, Lulli-Sudanas ja olu eará riikkain. Lutheralaš máilmmilihttu bokte doarju girku birrasiid 3 millijovvna báhtareaddji. Mii leat oassin máilmmis ja mii fertet váldit ovddasvástádusa go olbmot gillájit, vaikko dat gáibida mis ollu. Girku lea doaivaga lihkadus. Dat galgá maid leat lihkadus vearrivuođa vuostá. Otne leat oallugat balus, muhto bajásčuožžilan Jesus logai iežas máhttájeddjiide; Allet bala! Lehket roahkkadat!

Máilmmis gos oallugat gillájit ii ábut geassádit eret gillámušas ja áidut alla áiddiid. Girku ii sáhte dainna eallit!

### **Dan dihte mii cealkit olbmuide ja searvegottiide:**

Lehket láđđásat gussiiguin! Lehket doaivaga jietna ja giedat!

Lehket roahkkadat, čájehehket beroštumi báikegottiin ja servodatdigaštallamis!

### **Ráhkis stádaministar:**

Leage roahkkat! Leage guosseláđis sihke sániiguin ja daguiguin! Ane fuola ahte báhtaran- ja dorvopolitihka lea ávdđalaš.

*Buot maid dii dahkabehtet oktii dán mu unnimus vieljažiin, dan dahkabehtet munnje, cealká Jesus midjiide.*

---

Mii lea Girkočoahkkinn?

Girkočoahkkinn lea Norgga girku alimus mearrideaddji ásahus

Girkočoahkkimis leat 116 miellahtu 11 bismagotteráđiin.

Girkočoahkkinn meannuda áššiid mat gusket olles Norgga girkui,

Girkočoahkkinn čoahkkana dábáláččat oktii jagis .